

Mosadimogolo le kolobe ya gagwe

Kanelosešwa ka Wendy Hartmann
Ditshwantsho ka Jiggs Snaddon-Wood



Ka letsatsi lengwe mosadimogolo o ne a fiela kwa gagagwe fa a bona madi a a neng a lebetse ka one. O ne a itumetse thata moo o neng a binabina le go opela.

“Bona se”, o ne a rialo a a tsholeditse madi mo moweng. “Jaanong ke tla dira eng ka one? Ke a itse! Ke tla ya kwa mmarakeng mme ke reke kolobe.”

Jalo ka letsatsi le le latelang, o ne a ya kwa mmarakeng mme a reka kolojana e ntle. O ne a tsenya kholoro mo kolojaneng, a bofelela mogala mo kholorong mme a simolola go tsamaya a ya gae le yone. Mo tseleng, ba ne ba kopana le legora le le kwa tlasenyana le le dirilweng ka dikgong.

Mosadimogolo o ne a re, “Tweetswee, Kolobe, tlola legora.” Mme fela kolobe e ne e sa batle go tlola legora. Go ne go sa kgathalesege gore o kopa go le kana kang, kolobe e ne e sa batle go suta.

Ka bonakonyana go ne ga tla ntšwa e gatela godimo mme mosadimogolo o ne a e raya a re, “Ntšwa, Ntšwa! Tla kwano. Tweetswee lelekisa kolobe e. Ga e batle go tlola legora mme nka se kgone go fitlha kwa gae bosigo jono.”

Fela ntšwa e ne e sa batle go lelekisa kolobe.



Ka jalo mosadimogolo o ne a tsaya kgamelo ya metsi e e neng e beilwe kgakajana go bapa le legora. “Metsi, tsweetswee gasa ntšwa e. Ntšwa ga e batle go lelekisa kolobe. Kolobe ga e batle go tlola legora mme nka se kgone go fitlha kwa gae bosigo jono.”

Fela metsi a ne a sa batle go gasa ntšwa.

Mosadimogolo o ne a bona poo kwa kgakajana. Fa e atamela, o ne a bitsa, “Poo, Poo, tsweetswee nwa metsi. Metsi ga a batle go gasa ntšwa. Ntšwa ga e batle go lelekisa kolobe. Kolobe ga e batle go tlola legora mme go nna lefifi. Ke nako ya gore nna le kolobe re ka bo re le kwa gae.”

Fela poo e ne ya gana go nwa metsi.

Ka bonako ke fa go feta raselaga.

O ne a mo emisa mme a mo kopa, “Raselaga, Raselaga, tsweetswee tsaya poo e o tsamaye le yone. Poo ga e batle go nwa metsi. Metsi ga a batle go gasa ntšwa. Ntšwa ga e batle go lelekisa kolobe. Kolobe ga e batle go tlola legora. Ke bona ngwedi e a thaba. Nna le kolobe re tshwanetse gore re ka bo re le kwa gae mo ureng le halofo e e fetileng.”

Fela raselaga o ne a sa batle go tsaya poo...

Ka nako e mosadimogolo o ne a galefa – go ne go se ope yo a ka mo thusang! O ne a ntsha mogala mo kgwatlheng ya gagwe mme a re, “Mogala, Mogala, tsweetswee bofa raselaga. Raselaga ga a batle go tsaya poo. Poo ga e batle go nwa metsi. Metsi ga a batle go gasa ntšwa. Ntšwa ga e batle go lelekisa kolobe. Kolobe ga e batle go tlola legora, mme ke a bona gore ngwedi e bonesitse. Nna le kolobe re ka bo re setse re le kwa gae diura tse di fetileng!”

Mme mogala o ne o sa batle go bofa raselaga.

Ka bonakonyana ke fa legotlo le taboga go ralala lebala, mme mosadimogolo o ne a bitsa, “Legotlo, Legotlo, tsweetswee tlhafuna mogala. Mogala ga o batle go bofa raselaga. Raselaga ga a batle go tsaya poo. Poo ga e batle go nwa metsi. Metsi ga a batle go gasa ntšwa. Ntšwa ga e batle go lelekisa kolobe. Kolobe ga e batle go tlola legora mme ngwedi e setse a le kwa godimo mo loaping. Nna le kolobe re tshwanetse re ka bo re ipaakanyetsa go robala jaanong.”

Legotlo le ne la ema. Le ne la lebelela mosadimogolo. “Ee” ga rialo legotlo, “Ke tla tlhafuna mogala, fa o ka mpha tšhisinyana.”

Ka jalo mosadimogolo o ne a tsenyeletsa seatla sa gagwe kwa teng ga kgwatlha ya gagwe, a batlabatla mo go yone mme a ntsha

lenathwana le lennye la tšhisi le o neng a le neela legotlo. Mme fa legotlo le fetsa go ja tšhisi, le ne la simolola go natha mogala; mogala o ne wa simolola go bofa raselaga; raselaga o ne a simolola go goga poo; poo e ne ya simolola go nwa metsi; metsi a ne a simolola go gasa ntšwa; ntšwa e ne ya simolola go lelekisa kolobe mme ... kolobe e ne ya tlola legora.



Mosadimogolo o ne a kgwa mowa mme a tsamaya go ya gae. “Morago ga tetelo e e telele,” o ne a rialo.

Ba ne ba goroga ka nako mang kwa gae ena le kolobe ya gagwe? Ga go ope yo o itseng. Mme fa e le gore mosadimogolo yo o nna gaufi le wena e bile o a mo itse, tsweetswee re bolelele.

NNA LE BOITLHAMEDI!

- Tlhopha ponalo go tswa mo leinaneng e mosadimogolo a buang mo go yone.
- Thala setshwantsho sa ponalo e mme o thale pudula e e tsenyang mafoko a a buiwang ke mosadimogolo. Kopolola mafoko a gagwe go tswa mo leinaneng mme o a tsenye mo puduleng ya mafoko a a buiwang. Jaanong thala dipudula tse di tsenyang mafoko a a buiwang ke diphologolo le/kgotsa dilo mo ponalong mme o di tlatse ka mafoko a o tsayang gore di ka tswa di a buile!



Mosadimogolo le kolobe ya gagwe

Kanelosešwa ka Wendy Hartmann • Ditshwantsho ka Jiggs Snaddon-Wood



Se se bonwang ka matlho

A o akanya gore mosadimogolo o ne a lapile thata fa a fitlha kwa gae? Kolobe yone? Terowa setshwantsho sa bone fa ba sena go fitlha kwa gae.



Go Bala

A o gakologelwa gore mosadimogolo o ne a batlile gore nngwe le nngwe ya tseno e direng: kolobe, ntša, metsi, kgomo, kgole, morekisi wa nama, legotlo? Fa o ne o le mosadimogolo o ne o tla dira jang gore kolobe e tlole legora (kwa ntle ga gore e ikgotatse)?



Go Kwala

Tlhopha lefelo lengwe mo setoring seno le mosadimogolo a buang mo go lone. Terowa setshwantsho sa lefelo leo o bo o terowa pudula e e bontshang mosadimogolo yono a bua. Kopolola mafoko a a a buang mo setoring seno mo puduleng e e bontshang a bua. Jaanong terowa dipudula tsa dipologolo le/ kgotsa dilo tse dingwe tse di mo tiragalong eno di bua o bo o tsenya mafoko a o akanyang gore di ka tswa di a buile!



Botaki

Dirisa dipoleite tsa pampiri kgotsa dikhateboto, pente le thudi go dira di-mask tse di tla tsenngwang ke badiragatsi ba ba mo setoring seno.

Tiragatso

Tshameka terama ya se se diregang mo setoring seno o dirisa di-mask tse o di dirileng.

